

摘藻堂四庫全書薈要

子部

欽定四庫全書薈要

子部

御定淵鑑類函卷一百十二

臣紀昀詳校
詳校官兵部主事臣雷純

欽定四庫全書薈要卷一萬一千五百六十

子部

御定淵鑑類函卷一百十二

設官部五十二

京兆尹 京府判官 推官 治中
京府司錄事 廂官 市令

京尹一

京兆尹 左馮翊 右扶風 河南尹
增開封尹 臨安尹 大興尹

大都路總管 應天尹

順天尹 留守附



原杜氏通典曰周官有內史秦因之掌治京師漢景帝

二年分置左右內史武帝太初元年更名右內史為京

兆尹

絕高曰京十億曰兆
大眾所聚故曰京兆

更名左內史為左馮翊

馮翊 輔衛

也 秦官有主爵中尉掌列侯 漢景帝中元六年更

名都尉武帝太初元年更名右扶風

扶風 化也

與左馮翊

京兆尹是為三輔治長安城中

三輔黃圖曰長安以東為京兆長陵以北為左

馮翊渭城以西為右扶風皆治在城中故趙廣漢歎曰亂吾治者三輔也誠得兼之直差易耳

銀章青

綬進賢兩梁冠絳朝服佩水蒼玉凡州所監都為京師

置尹一人丞一人漢初三輔治長安後漢都雒陽置河

南尹以三輔陵廟所在不改其號但減其秩與太守同

後漢左馮翊右扶風屬司隸尋省

魏晉為京兆太守

後周都關中又為京兆尹 隋京兆郡置尹并佐吏

合二百四十四人 唐京兆府本為雍州置牧一人以

親王為之太宗為秦王中宗為英王睿宗為相王時並
居其任多以長史理人開元元年改雍州為京兆府置

牧如故掌宣風導俗肅清所部或以親王居閣而遙領
焉初雍州置別駕以貳牧之事永徽中改別駕為長史

開元初改雍州長史為京兆尹總理衆務凡前代帝王

所都皆曰尹

南朝曰丹陽尹後魏初曰代尹東魏曰魏尹齊曰清都尹

河南尹其

地在周為王城成王命君陳分正東郊成周曰尹茲東

郊

蓋今河南牧之任亦畱守之始

秦兼天下置三川守

三川河洛伊也秦末李由

為三川守

漢興更名三川為河南武帝增守為太守王莽

改太守為大尹改河南大尹為保忠信卿光武中興徙

都洛陽改太守為尹

尹正也

章綬服秩與京兆同主京都

特奉朝請

李膺為河南尹

魏晉皆為河南尹後魏太和中遷

都洛陽又置河南尹

東魏置洛州刺史

後周置洛

州總管尋罷之

隋初為洛州刺史復為河南內史大

業初爲荊河州刺史又爲河南太守尋爲河南尹與京

兆同 唐武德四年置洛州都督貞觀十七年改爲刺

史顯慶二年置東都改刺史爲長史而洛州本置牧一

人以親王爲之中宗爲周王時及衛王重俊實居其任

多以長史理人至開元元年改洛州爲河南府改長史

爲尹其牧尹之制一如京兆 諸曹書佐亦如之 各有少尹二員

通判府事

京兆少尹魏晉以來治中之任隋文帝改爲司馬煬帝又改爲贊治後又改爲丞武德初

復爲治中永徽元年以太皇帝諱改爲司馬本一員太
極元年雍洛二州各加司馬一員分爲左右開元元年

並改爲少尹

開元以後增置太原府爲北京官屬制置悉同

兩京

初武后長壽元年以并州后之故里改爲北都神龍初廢開元十一年又以并州高祖起義之始復

置太原府號曰北京初開元元年正月於蒲州置中都改州爲河中府至六月而罷後上元元年復置岐州爲鳳翔府又以益州爲成都府

增宋史曰五代俱置開封府尹 宋

開封府牧尹不常置權知府一人以待制以上充掌印

正畿甸之事以教法導民而勸課之中都之獄訟皆受

而聽焉小事則專決大事則稟奏若承旨已斷者刑部

御史臺無輒糾察 其屬有判官推官四人日視推鞠

分事以治而佐其長領南司者一人督察使院非刑獄
訟訴則主行之司錄參軍一人折戶婚之訟而通書六
曹之案牒功曹會曹戶曹兵曹法曹士曹參軍各一人
視其官曹分職泣事左右軍巡使判官各二人分掌
京城爭鬪及推鞠之事左右廂公事幹當官四人掌檢
覆推問凡鬪訟事輕者聽決元祐元年又增置新城內
左右兩廂四年罷元豐初復置 開封典司轂下自建
隆以來爲要劇之任至熙寧間釐折獄訟歸於廂官而

治事視前日損去十四崇寧三年蔡京奏罷權知府置
牧一員尹一員專總府事少尹二員分左右二府之政
事牧以皇子領之尹以文臣充在六曹尚書之下侍郎
之上少尹在左右司郎官之下列曹郎官之上又請移
開封府於舊尚書省從之

太宗真宗嘗任府尹自至道後知府必帶權字至是始罷

政和三年資政殿大學士鄧洵武言河南應天大名府
號陪京乞依開封制正尹少之名從之高宗駐蹕杭
州建炎三年詔改爲臨安府其守臣帶安撫使置知府

通判簽書節度推官觀察推官觀察判官錄事參軍等
官掌畿甸之事籍其戶口均其賦役頒其禁令城內外

分南北左右廂各置廂官以聽民之訟訴

廂官許奏辟
京朝官親民

資序人充後罷城內
兩廂官惟城外置焉

乾道七年皇太子領尹事廢臨安

府通判僉判職官置少尹一員日受民詞以白太子間

日率僚屬詣宮稟事九年皇太子解尹事臨安府官制

並依舊 續文獻通考曰遼南面五京尹為五京留守

司俱兼府尹職 金大興府尹掌宣風導俗肅清所部

兼領本路兵馬都總管府事同知掌通判府事少尹掌
同同知總管判官掌紀綱總府衆務分判兵案之事府
判掌諮議參佐糾正非違推官二人分判戶刑案事

元初立燕京路總管大興府至元二十七年改大都路
都總管府置達魯噶齊二人都總管一人即京尹之職
也副達魯噶齊同知治中判官推官經歷知事各二人
凡本府官吏唯達魯噶齊一員及總管推官專治路政
其餘皆分任供需之事故又號曰供需府 明初改集

慶路爲應天府欲崇其秩改知府爲正三品賜銀印同知爲府丞凡禮遇視在外知府特異有治中通判推官經歷知事照磨等官 永樂十年陞順天府府尹爲正

三品如應天府掌京府事宣化和人勸農問俗均貢賦節征徭謹祭祀閤戶口糾豪強恤窮困錄罪囚務知百姓之疾苦凡學校軍匠積貯牧馬薪炭河渠堤涂僧道醫藥之事率其僚而分理焉 原留守杜氏通典曰周之君陳似其任也此後無聞後漢和帝南巡祠園廟張

禹以太尉兼衛留守晉張方劫惠帝幸長安僕射荀藩等與其遺官在洛陽爲留守臺承制行事號爲東西臺至安帝時劉裕置留守臺具百官後魏孝文南伐以太尉元丕廣陵王羽留守京師後並加使持節唐留守之制蓋因此也

高宗儀鳳元年司農卿韋弘機爲東都留守時有道士朱欽遂爲中宮所使至都所爲橫恣弘

機執而囚之因奏曰道士假稱中宮驅使依倚形勢臣恐虧損皇明爲禍患之漸高宗特發中使賜書慰諭仍云不須漏泄武后臨朝垂拱三年文昌右丞相蘇良嗣爲京留守時尚方監裴匪躬檢校京苑將鬻苑中果菜以收其利良嗣駁之曰昔公儀相魯猶能拔葵去織未聞萬乘之主鬻其果菜以與下人爭利

增宋

史曰舊制天子巡狩親征則令親王或大臣總留守事
建隆元年親征澤潞以樞密使吳廷祚爲東京留守其
西南北京留守各一人以知府兼之

西京河南南京
應天北京大名留守

司管掌宮鑰及京城守衛修葺彈壓之事畿內錢穀兵
民之政皆屬焉南渡初其東京北京並置留守以開封
大名知府兼其後河南復南京西京置留守紹興四年
帝將親征以參知政事孟庾爲行宮留守置奏差主管
書寫機宜文字官一員幹辦官二員準備差遣差使各

三員使臣五十員又置留守司臺官一員五年罷 續文

獻通考曰金諸京留守司留守帶本府尹兼本路兵馬

都總管副留守帶各府少尹上京留守司兼管林木事

正隆二年並罷 元大都留守司掌守衛宮闕都城調

度本路供億諸務兼理營繕內府諸邸都官原廟尚方

車服殿廡供帳內苑花木及行幸湯沐宴遊之所門禁

關鑰啟閉之事留守五員副留守二員 元世祖至元

三年詔上都路總管府遇車駕巡幸行留守司事駕還

即復舊 明制巡狩親征皆命東宮監國以大臣爲留
守而府尹無居留之事矣

京尹二

原史記曰汲黯爲主爵都尉丞相公孫弘上言曰右內
史界部中多貴人宗室難治非素重臣弗能任請徙黯
爲右內史 漢書曰甯成爲內史外戚多毀成之短抵
罪髡鉗是時九卿死即死少被刑而成刑極自以爲不
復收乃解脫詐刺傳出關歸家稱曰仕不至二千石賈

不至千萬安可比人乎 又曰韓延壽爲左馮翊滿歲

稱職爲真歲餘不出行縣掾吏皆以爲方春月可一出

勸農桑至高陵有昆弟相訟延壽傷之曰骨肉爭訟是

吾教不行也乃入傳舍閉閣自思過於是訟者遞相責

讓皆肉袒願以田相移至死不爭延壽思信周二十四

縣無訟者吏不忍欺 又曰張敞爲京兆尹朝廷每有

大議引古今處便宜公卿皆服然敞無威儀時罷朝會

過走馬章臺街

在長安中又曰在章臺下街

使御史驅自以便面拊

馬又爲婦畫眉長安中傳張京兆眉撫

孟康曰撫音誦北方人謂眉好

爲誦畜

有司以奏上問之對曰臣聞閨房之內夫婦之私

有過於畫眉者又曰尹翁歸爲雍右扶風辟用廉平

疾迸奸吏常爲三輔最又曰薛宣爲左馮翊得郡中

人吏罪名輒告其縣使自行罪曰不欲代縣治奪賢令

長名又曰王尊王章王駿並爲京尹皆有名京師稱

曰前有趙張後有三王又曰龔勝遷丞相司直徙光

祿大夫守右扶風數月上知勝非撥煩吏乃復還勝光

祿大夫 後漢書曰延篤字叔國及邊鳳皆京尹並有

雄名語曰前有趙張後有邊延趙張謂趙廣漢及張敞

也 謝承後漢書曰鄧道出爲馮翊守下車治豪強四

海號爲豪強所病 魏略曰顏斐字文林爲京兆守勤

勵禮學風化大行人多無車牛斐課人間月取車材使

轉相教作車又課民無牛者命畜豬貴時賣以買牛始

人以爲煩一二年間家家有丁車大牛吏不煩民民不

求利遷爲平原太守吏人啼哭遮道車馬不得前 又

曰顏斐爲京兆尹課人輸租時各因便置薪兩束爲寒
炙筆硯 又曰顏斐爲京兆守京兆與馮翊扶風接界
二郡道路旣穢塞田疇又荒蕪人民飢凍而京兆令屬
縣皆整頓阡陌樹桑果豐富常爲雍州十郡最 王隱
晉書曰樂廣字彥輔爲河南尹故郡中多怪後人皆於
廊下郵傳中治事無敢數在廳事者唯廣處之 晉中
興書曰晉太興元年改丹陽內史爲丹陽尹 又曰彭
城劉隗太興初長兼侍中出補丹陽尹隗雖在外而萬

機祕密皆豫聞之

語林曰許玄度出都詣劉真長先

不識至便造之一面留連標劉貴略無造詣遂九十日

一詣許語曰卿爲不去家將成輕薄京尹 隋書曰樊

子蓋檢校河南內史屢有治績文帝謂曰今爲公別造

玉麟符以代銅獸 增唐書曰開元初李元紘擢京兆

少尹詔決三輔渠時王主權家皆旁渠立磴瀦竭爭利

元紘敕吏盡毀之分溉渠下田 山堂肆考曰李峴長

吏治天寶時累遷京兆尹帝歲幸溫湯旬內巧供億以

媚上峴獨無所獻帝異之楊國忠使客撻安祿山陰事
諷京兆捕祿山第得安岱李方來等與祿山反狀縊殺
之祿山怒上書自言帝懼變出峴爲零陵太守峴爲政
得人心時京師米翔貴乃相與謠曰欲粟賤追李峴

唐書曰肅宗時楊綰輔政以儉約風天下京兆尹黎幹
出入從騶馭百數省損才留十餘騎又幹爲京兆數

論執宰相元載惡之王縉附載意折幹曰南方孤生安
曉朝廷事邪山堂肆考曰劉晏爲京兆尹總大體不

苛細寬猛相濟吏民安之 又李勉為京兆尹時官者

魚朝恩為觀軍容使領國子監威寵震赫前尹黎幹諂

事之須其入敕吏治數百人具以餉至是吏請勉勉不

從曰吾候太學彼當見享軍容幸過府則修具朝恩銜

之亦不復至太學 又曰柳仲郢字諭蒙為京兆尹政

號嚴明出尹河南以寬惠為政或言不類京尹時仲郢

曰輦轂之下彈壓為先郡邑之治惠愛為本 又曰薛

元賞為京兆尹嘗詣宰相李石第石方坐廳事與一人

爭辨甚喧使覘之云有神策軍將訴事元賞趨入責石
曰相公紀綱四海不能制一軍邪命左右趣神策軍將
出仇士良聞之召元賞元賞曰屬有公事行當至矣乃
杖殺神策軍而囚服見仇士良士良無如之何呼酒歡
飲而罷 唐書曰會昌中李德裕當國元賞復拜京兆
尹都市多俠少年以黛墨鑱膚夸詭力剽殺坊間元賞
到府三日收惡少立杖死三十餘輩陳諸市餘黨懼爭
以火滅其文禁屯怙勢擾府縣元賞數與爭不少縱由

是軍暴折戢百姓賴安德裕復用元賞弟元龜爲京兆少尹 山堂肆考曰唐僖宗時張全義爲河南尹初東都洊經寇亂居民不滿百戶全義選麾下十八人材器可任者人給一旗一膀使詣十八縣故墟落中植旗張膀招懷流散勸之樹藝蠲其租稅由是歸者如市 宋史曰五代漢初李穀權開封府時京畿多盜中年尤其穀誘邑人發其巢穴有劉德興者梁時屢攝畿佐居中牟素有幹材穀即署攝本邑主簿浹旬穀請侍衛兵數

千佐德輿悉禽賊黨其魁一即縣佐史一御史臺吏搜其家得金玉財貨甚衆自是行者無患 又宋真宗朝

御史中丞趙昌言上言天下大辟斷絕皆錄款聞奏付刑部詳覆用刑乖理者皆行按劾惟開封府未嘗奏案或斷獄有失止罪原勘官吏知府判官推官檢法官皆不及責則何以辨明枉濫表則方夏望自今如外州例施行從之 又慎從吉錢俶之壻也臨事敏速勤心公家所至瞰察多請對陳事上謂其無隱大中祥符八年

改給事中權知開封府既受命召戒之曰京府浩穰凡事太速則誤太緩則滯惟須酌中耳請屬一無所受

又真宗爲壽王尹開封府召畢士安爲判官及即位命權知開封府事近臣有怙勢強取民間定婚女其家訴於府士安因對奏還之官府常從爲廷職者每授任於外必令士安戒勗又慶歷中賈昌朝言漢唐都雍置三輔內翼京師朝廷都汴而近京諸郡皆屬他道制度不稱王畿請析京東之曹州京西陳許滑鄭皆隸開封

府以四十二縣爲東畿帝納之又程琳權知開封府王蒙正子齊雄捶老卒死賄妻子使以病告琳察其色辭異令有司驗得實蒙正連姻章獻太后家太后曰蒙正非殺人者乃其奴嘗捶之琳曰奴無自尊理且使令與已犯同太后默然遂論如法外戚吳氏離其夫而挈女歸夫訴於府琳命還女吳氏曰已納宮中矣琳請於帝曰臣恐天下有竊議陛下奪人妻女者帝亟命出之笞而歸其妻琳後以御史中丞兼龍圖閣學士再知開

封府 又包待制拯除龍圖閣直學士權知開封府舊制凡訟訴不得徑造庭下拯開正門使得至前陳曲直中官勢族築園榭侵惠民河以至河塞不通適京師大水拯乃悉毀去或持地券自言有偽增步數者皆審驗劾奏之 又范純禮以龍圖閣直學士知開封府前尹以刻深爲治純禮曰寬猛相濟聖人之訓今處深文之後若益以猛是以火濟火也由是一切以寬處之中旨鞫享澤邨民謀逆純禮審其故此民入戲場觀劇歸途

見匠者作桶取而戴之於首曰與劉先主何如遂爲匠擒明日入對曰愚人邨野無所知若以叛逆殺罪恐辜好生之德以不應杖之足矣曰何以戒後曰正欲外間知陛下刑憲不濫足以爲訓耳徽宗從之 又元豐時

王存知開封府京師並河居人盜鑿汴堤以自廣或請令培築如故又按民廬侵官道者使撤之二謀出自中人既有詔矣存曰此吾職也入言之即日弛其禁都人歡呼相慶 又吳擇仁以戶部侍郎兼知開封府故事

尹以三日聽訟右曹吏十輩列庭下自占姓名一人云
某人送某獄某人當杖某人去而尹無所可否有竇鑑
者以捕盜冠諸司使服金帶擇仁視事徂舊態來前叱
而械諸獄一府大驚賣珠人居民貨久不返度事急匿
宦官楊戩第擇仁跡取之竄於遠戩遂中以事罷爲顯
謨閣直學士又王巖叟爲樞密都承旨權知開封府
都城羣偷所聚謂之大房每區容數十百人淵藪詭僻
不可深究巖叟令掩捕撤毀之根株一空供備庫使曹

續以產貿萬緡市僧逾年負其半續盡力不能取一日
啟戶則所負皆在焉驚問其故僧曰王公今日知府矣
又元祐初錢勰以龍圖閣待制知開封府老吏畏其
敏欲困以事導人投牒至七日勰隨即剖決簡不中理
者緘而識之戒無得來閱月聽訟一人又至呼詰之曰
吾固戒汝矣安得欺我其人譴曰無有勰曰汝前訴云
云吾識以某字啟緘示之信然人皆驚詫宗室貴戚爲
之斂手雖丞相府謁吏干請亦械治之 又孝宗朝張

杓子浚以直徽猷閣改知臨安府都城浩穰姦盜聚匿杓

畫分地以警捕夜戶不閉光宗時再爲府尹內侍毛伯

益冒西河茭地爲亭外戚有殺其僕者獄具黃緣宣諭

求免杓皆執奏論如律孝宗觀湖杓以彈壓伏謁道左

孝宗止輦問勞賜以酒炙杓天分高爽吏材敏給所至

以治辦稱南渡以來論尹京者以杓爲首 金史曰金

大定初唐古安禮爲大興尹上曰京師好訛言府中姦

吏爲民患卿雖年少有治才去其宿弊毋爲因仍七年

五月大興府獄空詔錫宴勞之凡州郡有獄空者皆賜錢爲錫宴費大興府錫宴錢三百貫其餘有差又曰章宗時承暉知大興府事豪民與人爭種稻水利不直厚賂元妃兄左宣徽使李仁惠仁惠使人屬承暉右之承暉即杖豪民而遣之曰可以此報宣徽矣又貞祐時胥鼎知大興府以在京貧民缺食者衆宜立法賑救乃奏曰京師官民有能贍給貧人者宜計所贍遷官陞職以勸獎之遂定權宜贍恩例格入粟草各有數全活

甚衆 元史曰元至元十七年上都留守闕官宰相擬

廷臣以十數帝顧賀仁傑曰無以易卿特授上都留守

兼本路總管開平府尹僧格用事奏上都留守司錢穀

多失實召留守呼魯古爾及仁傑廷辨仁傑曰臣漢人

不能禁吏戢姦致錢穀耗傷臣之罪呼魯古爾曰臣爲

長印在臣手事未有不闕白而行者臣之罪帝曰以爵

讓人者有之未有爭引咎歸己者罪勿問 又大德二

年姚天福拜大都路總管兼大興府尹繼甸大治後之

尹京者以天福爲稱首

獻徵錄曰明陳諤爲給諫舉

劾權貴無所避太祖朝犯顏敢諫屢瀕於死永樂十六
年擢府尹政尚嚴察有張趙風嘗出行誤衝太子駕太
子訴於上上曰陳府尹是我父母官竟不問又曰王
賢爲順天府尹嘗以柴炭爲民病言於大司空石璞曰
京民勞疲極矣今採運夫役與真保諸郡等無乃不可
乎石默然爲遞減之又惜薪中貴縱其下非法凌府屬
叱跪於庭賢聞趨至欲縛其人以聞主者固謝乃已景

泰間再疏乞休上曰卿年七十禮當致仕然京畿冗繁
非爾不治英宗復辟之初顧謂近臣曰府尹如賢者何
可得哉 又曰成化時彭信爲順天府丞畿甸征徭常
倍蓰他郡加之達官貴人園田錯午侵牟武斷民用困
瘁信贊治之暇周行列邑揚摧折之威施拊循之政方
嚴之下惠裕繼之 又曰正德時孫懋爲南京府尹適
駕幸南都與參贊喬宇僇力同心隨機防護宸濠已擒
繫舟泊龍江逆錯繫諸司而彬等益導上夜遊伺便竊

發懋乃伏闕上章屢請迴鑒辭甚激切時值彬生日衆期往賀懋曰某抗疏欲置之死而今復賀其生非情也彬雖憾之然因懋不敢輕動及卒世廟惜之曰古之遺直也特賜祭葬贈官蓋異數云 又嘉靖間劉淑相尹

順天先是永樂初徙天下富民填北京供坊廂富民役遂占籍京師年需原籍幫銀有司歲徵銀解戶部下京府給富民曰供坊廂役至是福建解銀六千有奇部發府令給僚胥皆以成例宜給淑相曰國初上著者寡富

戶供坊廂役需費實繁原籍幫供宜也今土著日增富戶隸籍順天與土著同役凡有役府下兩縣縣下廂坊詰丁揆畝均出供費富戶何以獨得幫銀也乃下兩縣覈年供需費銀實費不什一遂停不給

以上京尹

唐書曰

太宗伐遼房玄齡畱守京師詔曰公當蕭何之任朕無西顧憂矣凡糧械飛輸軍伍行畱悉裁總之忽有男子上急變玄齡詰狀曰我乃告君玄齡驛遣追帝帝視奏已斬男子下詔責曰公何不自信邪又曰開元十二年

東巡泰山宋璟爲留守帝將發謂曰卿國元老別方歷時宜有嘉謀以遺朕璟因一二極言手制答曰所進當書座右出入觀省以誠終身 宋史曰後唐莊宗入魏河朔遊士多自効軍門張昭至魏攜文數十軸謁興唐尹張憲憲家富文籍每與昭燕語講論經史要事恨相見之晚即署府推官憲後爲北京留守昭從至晉陽莊宗及難聞鄴中兵士推戴明宗憲部將符彥超合戍將應之昭謂憲曰得無奉表勸進爲自安計乎憲曰我本

書生見知主上位至保釐乃布衣之極苟覩顏求生何面目見主於地下昭曰此古人之志相泣而去憲遂死之時有害昭者執之以送彥超彥超曰推官正人無得害之令爲榜安撫軍民事寧以昭爲北京留守推官

又曰太宗親征太原以沈倫爲留守判開封府事 又

曰至道初呂蒙正以右僕射出判河南府兼西京留守蒙正至洛多引親舊歡飲政尚寬靜委任僚屬事多總裁而已 又曰王旦參知政事從真宗幸澶淵雍王元

份留守東京遇暴疾命旦馳還權留守事旦曰願宣寇
準臣有所陳準至旦曰十日之間未有捷報時當何如
帝默然良久曰立皇太子旦既至京直入禁中下令甚
嚴使人不得傳播及駕還旦子弟及家人皆迎於郊忽
聞後有騶訶聲視之乃旦也 又大中祥符議封泰山
以向敏中舊德有人望召入權東京留守後祠汾陰復
爲留守 又曰錢惟演留守西京歐陽修尹洙爲官屬
修等頗遊宴王曙時權知開封府後至嘗厲色戒修等

曰諸君縱酒過度獨不知寇萊公晚年之事邪修起對
曰以修聞之萊公正坐老而不知止耳

以上留守

京尹三

原執版 閉閣

漢書典職曰京兆秩中二千石見尚書令僕射執版揖之 韓延壽事詳前二

三輔尤劇 五日何畏

張敞傳曰浩穰於三輔尤劇注浩大穰感言人衆多也

又曰張敞被劾使吏絮舜有所案問絮舜以敞被劾當不久在職遂慢其事曰五日京兆尹耳何足畏言祇應五日爲京兆尹耳敞聞殺舜書簡示曰五日京兆尹如何竟免罪

母問錄囚 吏請

代罪

漢雋不疑爲京兆尹每錄囚徒其母問以平反則喜而食若無所出則母怒而不食故不疑爲吏嚴

而不殘 白帖云趙廣漢坐罪吏人守闕訴號泣曰人生無益縣官願代趙京兆死使牧養小人竟坐腰斬

內掌帝都

外統京畿

傅子云傅嘏字蘭石為河南尹內掌帝都外統京畿兼古

六鄉六遂之土其民異方雜居多豪門大族商賈胡貊天下四會利之所聚奸之所生前尹司馬芝舉其綱而太簡次尹劉靜綜其目而太密後尹李勝毀常法以收一時之聲嘏立司馬之綱以統之裁劉之日以經緯之李之所毀以漸補之有所薦達及大有益於民事皆隱其端迹若不由已出故當時無赫赫之名吏民久而後安之

整頓京師

檢御貴戚

李卻別傳云鄧騭弟豹為將作大匠河南尹缺豹欲

得之上及騭亦欲用豹難便召拜下詔令公卿舉騭以旨遣人諷公卿悉舉豹李卻曰司隸河南尹當整頓京

師檢御貴戚今反使

遐邇所模

四方表則

晉起居注武帝

欽定四庫全書

自前漢書卷一百十二

咸寧三年詔曰河南百郡之首其風教宜爲遐邇所模
以導齊之侍中奉車都尉王恂忠亮篤誠才兼內外明
於治化其以恂爲河南尹王隱晉書曰庾純字謀甫
太始六年詔曰河南京畿大都爲四方之表則中書令

庾純清粹忠正才經治
亂其以純爲河南尹

王章封事

孔坦望實

漢書云王

章選爲京兆尹時帝舅大將軍王鳳輔政章爲鳳所舉
以鳳專權不親附鳳會日有食之章奏封事召見言鳳
不可任用宜更選忠賢上初納受章言後不忍退鳳章
由是見疑遂爲鳳所陷罪至大逆語林曰蘇峻新平
溫庾諸公以朝廷初復京尹宜得望
實惟孔君平可以處之君平孔坦也

摘伏如神

卹

民如子

漢書曰趙廣漢字子都爲京兆尹以和顏接士
其尉薦爲待遇吏殷勤甚備事推功善歸之於下

曰某掾卿所爲非二千石所及行之發於至誠吏見者
皆輸寫心腹無所隱匿咸願爲用僵仆無所避廣漢爲

人強力天性精於吏職見吏民或夜不寢至旦尤善為
鉤距以得事情其發奸擿伏如神冬獄當斷先為調棺
皆曰死無所恨謝承後漢書云延
篤還京兆尹憂官如家卹民如子

旌表異行進

用善士

謝承後漢書云羊陟遷河
南尹旌表異行進用善士

翦治強宗禁絕

豪右

謝承後漢書云華崧為河南尹翦治強宗威名振
烈又云羊陟遷河南尹禁絕豪右囑託書疏不

與交

持法簡而不犯

為吏嚴而不殘

傅子云傅般
為河南尹以

德化為本持法有恒簡而不可犯列女傳云萬不疑
為京兆尹識鑒明徹毋誡之曰養民不可不惠臨政不
可不仁仁能愛人忠能如慈
故不疑為吏嚴而不殘云

疾病則給醫藥

獄訟

不加榷楚

風俗通云陳龜遷京兆尹民有疾病則給醫
藥常使戶曹巡行傅子云傅般為河南尹

見理識情訟獄不加投楚而得其實

蓋勲威震京師 袁安大小從化

後漢書云蓋勲拜京兆尹時長安令楊黨父爲中常侍恃勢貪放按得其贓千餘萬貴戚咸爲之請勲不聽其以事聞并連黨父有詔窮按威震京師 續羊陟計漢書曰袁安爲河南尹十餘年小大從化

日受俸 兒寬開渠溉田

謝承後漢書曰羊陟還河南尹計日受俸常日乾飯茹菜

漢書曰兒寬遷內史奏開六輔渠定水令以廣溉田收租稅與民相假貸以故租多不入後有軍發左內史以負租課殿當免民間皆恐失之大家牛車小家野擔負輸租經屬不絕課吏以最上由此愈奇之

王令貪殘李膺殺之 王官吏不下王濟鞭之

後漢書曰李膺

爲河南尹執法不撓時張讓弟朔爲野王令貪殘無道乃至殺孕婦間膺剛厲威嚴懼罪逃還京師因匿兄讓

第舍藏於合柱中膺率吏卒破柱取朔付洛陽獄受辭畢即殺之北堂書鈔傳暢晉諸公贊曰王濟爲河南

尹未拜遇王官吏不下道濟鞭之

增追匿金

覈逋賦

宋史云神宗時滕元發除

翰林學士知開封府民王穎有金爲鄰婦所隱閱數尹不獲直穎憤而致偃扶杖訴於庭元發一問得實反其金穎投杖仰謝失僂所在山堂肆考曰唐韋澳爲京兆尹宣宗舅鄭光主璽吏豪肆積年不輸官賦澳執而械之奏其狀且曰必置於法上曰鄭光甚愛之奈何對曰陛下自內史擢臣京邑安可使畫一之法獨行於貧下乎帝入白太后曰是人不可犯也太后爲輸租數百斛乃釋之

幢蓋鼓吹

玉麟

銅虎

翰苑新書載李燮傳云燮拜京兆尹加幢蓋鼓吹燮履潔白之節秉執忠良更民愛戴作歌曰我府

君道教舉恩如春威如虎愛如母訓如父

詳前一隋書

惠文彈治

詔書褒美

宋史云蘇頌元豐初權知開封府頌嚴謂京師浩穰須
彈壓當以柱後惠文治之非毫穎臥治之比 翰苑新

書云歐陽六一集程文簡公琳知開封府前爲府者苦

治劇或滿歲罷不熱被謗或以事去獨公居數歲久而

治益精明盜訟稀少獄

請避正寢

識名屏風

宋史

屢空詔書數下褒美

起權知開封府聽斷明審舉無留事真宗嘗臨幸問勞

起請曰陛下昔龍潛於此請避正寢居兩廡詔從之名

其堂曰繼照 又曰呂夷簡爲龍圖閣直學士權知

開封府嚴辨有聲真宗識其名於屏風將大用之

楊神策校

祠曲江池

山堂肆考云元和間柳公綽拜京兆尹方赴府有神策校乘馬

不避者即時楊死帝怒其專殺公綽曰此非獨試臣乃

輕陛下法帝曰既死不以聞可乎公綽曰臣不當奏在

市死職金吾在坊死職左右巡使帝乃解 唐書云孔

戢爲京兆尹歲旱文宗憂甚戢躬祠曲江池一夕大澍

帝悅詔
兼御史

頓舍種蔬

表木按籍

獻徵錄云薛均以行太僕寺丁艱歸詔取

不出凡三詔始出授應天府尹益尚廉明獨買頓舍餘一片地種蔬甚具旦暮荷鋤往芸之日飽饘粥菜茹太宗密使人廉之得其飯饘粥也笑曰人皆樂惟朕與均苦耳然庭無廢事宋史云王博文天禧中以龍圖閣直學士復知開封府都城豪右邸舍侵通衛博文製表木按籍命左右判官分撤之月餘畢出談笑

剖決

簡易循禮

翰苑新書云言行錄蔡端明襄字君謨開封世稱難治公居之有能名其

治京師談笑剖決破姦發隱吏不能欺宋史歐陽修加龍圖閣學士知開封府承包拯威嚴之後簡易循禮不求赫赫名厚結中人獨抗錦衛宋史云李師中京師亦治知河南尹前此

多大臣居守揀幕吏習弛緩師中一以嚴整齊之號爲治辦無用法刻深煩碎無大體惟厚結中人神宗嘗對

宰相言其治狀富弼曰陛下何從知之邪帝默然獻
徵錄云武宗初服劉瑾擅權惡禮科都諫周璽乃陞順
天府承實則抑之也未幾同錦衣衛指揮楊玉勘事赤
縣楊玉者瑾黨也衆見玉皆低首璽獨與抗辭色不少
假借事竣瑾嗾玉誣以蔑
視近臣下獄拷掠削籍死

大體不苛

壹意撫字

山堂

肆考云唐劉晏字士安爲京兆尹總大體不苛細寬猛
相濟吏民安之獻徵錄云弘治間蘭琦尹順天熟政

體知民瘼一意

摘發奸盜 請罷牛車

宋史云吳育知開封府居

撫字民安之

數日發大奸吏一人流嶺南又得巨盜積贓萬九千緡
獄具而輒再變帝遣他吏按之卒伏法獻徵錄云嘉
靖間景錄爲順天府承會司徒議徵畿民
牛車它運京粟出關錄即疏病民乃罷之

請平宮市

奏免園夫

山堂肆考云唐德宗時吳湊爲京尹京師
苦宮市湊上言宮中所須責臣可辦若不

欲外吏與聞禁中事宜選中官高年謹信者爲宮市令
平價和售以息衆譁獻徵錄云嘉靖初王震陞順天

府尹奏罷上元江

降絲綸 賜旗甲

今壁事類云晉天福中敕留守

寧花園夫千餘人

之任委寄非輕凡降絲綸宜同將相今後除留守宜並

降麻留守降麻自安彥威始又唐呂元膺拜東都留

守故事留守賜旗甲元膺獨無或上言用兵討淮西東

都損其儀沮威望請比華汝壽三州帝不可并三州罷

之留守不賜

東都治第 西京留臺

唐書云文宗時裴度罷相徙東

都留守時閹豎擅威天子擁虛器度不復有經濟意乃

治第東都集賢里於午橋作別墅具燠館涼臺號綠野

堂度野服蕭散與白居易劉禹錫爲文章把酒窮晝夜

相歡不問人間事山堂肆考云司馬溫公爲西京留

臺每出前驅不過三節伊川謂曰公出無

從騎市人或不識公曰某惟求人不識耳

聽斷如神

博奕不問

翰苑新書云杜衍知開封府聽斷如神權要不敢干宋史云欽宗時李綱之罷太

學生陳東及士庶十餘萬人擣鼓伏闕下經日不退遇內侍輒殺之帝顧鼎昌俾出諭旨即相率聽命昌再尹京兆惡少年怙亂晝為盜入官民家攘金帛且去輒自縛黨中三兩輩聲言擒盜持赴部走妻巷乃釋縛分所掠而去人不奠居昌悉彈治正法而縱博奕不之問或謂令所禁昌曰姑從所嗜以懈其謀正所以禁其為非耳

文書躬決

豪猾畏斂

翰苑新書載晦菴集云季椿字壽翁臨安擇守公在

議中執政謂公無委曲上曰正欲得如此人遂兼府事親閱文書躬自裁決請囑一無所受三月而罷宋史云吳奎權開封尹達於從政吏不敢欺豪猾畏斂居三月治聲赫然

三老上書

六軍

畏法

山堂肆考云漢成帝時御史大夫張忠奏京兆尹王尊罪坐免官湖三老公乘興等上書訟云尊治

京兆盡節勞心夙夜思職擢劇整亂誅暴禁邪皆前代
所稀有願下公卿大夫博士議審如御史章尊尊當伏觀
闕之誅不得苟免即不如章亦宜有誅以懲讒賊之口
於是復以尊為徐州刺史又云唐韓愈為京兆尹六
軍不敢犯法私相謂曰是
尚欲燒佛骨何可犯也

京尹四

原秩二千石

續漢書百官表云凡州所監都為京都置尹一人秩二千石

官品第

三

漢書百官表云京兆尹品第三

如郡主爵

又云三輔職如郡主爵列侯

分治

京師

漢官解詁云武帝太初元年左內史為左馮翊主爵都尉右內史為右扶風京兆尹治京師以為三

輔

正身率下

謝承後漢書云延篤遷京兆尹正身率下按篤徙京兆尹其政用寬仁憂恤黎

民擢用長者與參政事
郡中散愛三輔咨嗟焉

正身奉職

又云巴肅為河南尹正身奉職

優賢養民

又云華崧為河南尹優賢養民

進賢尚功

續漢書百官志云凡京都置尹

治民事進賢尚功

政令甚明

漢書云翟方進為京兆尹搏擊豪強京師畏之時胡常為青州

刺史聞之與方進書曰竊聞政令甚明為京兆能則恐有所不宜方進心知所謂其後稍弛威嚴

為

政清整

晉中興書太原王錄云遷丹陽尹為政清整

枹鼓稀鳴

漢書云張敞守京兆

尹一日捕盜賊數百人窮治所犯或一人百餘發盡行法罰由是枹鼓稀鳴市無偷盜天子嘉之

私

請不行

魏志云司馬芝字子華為河南尹抑強扶弱私請不行居官十二年自魏及今為河南尹者莫

及
勸農桑增戶口

謝承後漢書云延篤遷京兆尹勸民農桑遂增戶穀食豐饒都治老

少歸之

三輔資其政教

後漢延篤為京兆尹三輔資其政教

百里垂拱

仰辦

魏志云劉馥字子靖為河南尹散騎常侍應璩與馥書曰人作納言出臨京任富民之術日引月長

明撫幽微秉憲不撓有司供承王命百里垂拱仰辦雖昔趙張三王之治未足以方也

未嘗贓

罪鞠人

後漢書曰袁安為河南尹政號嚴明然未嘗以贓罪鞠人常稱曰凡學仕者高則望宰相下則

希牧守綱人於聖世尹所不忍為也聞之者皆感激自勵在職京師肅然朝廷重之

吏民莫不

自勵

魏志司馬芝為河南尹抑強扶弱吏民莫不自勵

吏民敬其威信

漢書高不

疑為京兆尹云云

吏民稱不容口

漢書曰趙廣漢為京兆尹日政令肅清吏民稱不容

口

增頭上尹

山堂肆考云唐劉栖楚改京尹峻誅不避權豪宿奸老蠹斂跡一日軍士有所

凌突諸少年從旁譟曰
癡男子不記頭上尹邪

南省位

宋史云陳省華景德初權知開封府轉光

祿卿舊制卿監坐采殿太宗以省華權
治京府別設其位升於南省五品之南

造土龍

唐書云代

宗朝黎幹再為京兆尹時大旱幹造土龍自與巫覡對
舞彌月不應又禱孔子廟帝笑曰丘之禱久矣使毀土
龍帝減膳節用既而霖雨

聞鴉訴

山堂肆考云唐溫璋為京兆尹
設鈴以通冤訴者一日聞挽鈴

聲視之乃鴉也璋曰是必訴人探其
離命吏視之果得探離者命治之

大聲官人

獻徵錄云

永樂時陳謬為給事中舉劾權貴每奏事大聲如鐘上
令餓之數日奏對如故上呼為大聲秀才擢順天府尹
既而坐事落職上一日問左右大聲官人何在宜置輔
導使人得聞過乃投荆王府長史多所匡益上賜以忠
良鯁直四字

高第八守

翰苑新書云郡國二千石高
第八守京兆不過二三年近

示寵異焉

者數月惟趙廣漢張敞為久任

默記決遣

又載東坡集云張文定公方平知開封府事繁為

尹者皆書版以記事公獨不用默記數百以次決遣毫髮不遺吏民皆以為神

宿酒奏事

宋

云李絢以龍圖閣直學士權知開封府治有能名絢夜醉晨奏事酒未解帝曰開封府事劇豈可沈湎於酒耶

治以簡靜

獻徵錄云弘治間高敞尹應天政務填委以次裁決欲以簡靜治之或勸以都下非

外郎比自古尹京者必嚴厲明察始稱其官敞笑曰任吾性而已公退輒與賓客燕飲如平時久之吏樂其簡

民安其易

獄內皆空

翰苑新書載哲宗實錄云王安禮知開封府事至輒斷庭無留訟未三月

而獄內皆空揭諸府門遵使過之歎息以為異事

甚似其父

宋史云呂公弼宰相夷簡子也

權開封府嘗奏事退帝目送之謂宰相曰公弼甚似其父

詔不臺參

唐書云李逢吉惡李紳欲

逐之以韓愈為京兆尹兼御史大夫特詔不臺參而除
紳中丞紳果劾奏愈愈乃以詔自解其後文刺紛然宰
相以臺府不協遂罷愈為兵部
侍郎而出紳為江西觀察使
望風而遁
又曰開成初鄭覃以

李紳為河南尹河南多惡少或危帽散衣擊大
毬占官道車馬不敢前紳治剛嚴皆望風遁去
不相

引避

又曰郭行餘累擢京兆少尹嘗值尹劉栖楚不肯
避栖楚捕導從擊之自言於宰相裴度頗為論止

行餘移書曰京兆府在漢時有尹有都尉有丞皆詔自
除後循而不改開元時諸王為牧故尹為長史司馬即
都尉承耳今尹總牧務少尹副焉未聞道路
間有下車望塵避者故事猶在栖楚不能答
不妄造

請

宋史云馮京為翰林學士知開封府數月不詣丞相
府韓琦語獨以京為傲獨使往見琦京曰公為宰相

從官不妄造請乃所以為
公重非傲也京富弼壻

不附安石

又云劉庠為開
封府不肯屈事

王安石安石欲見之戒典謁者曰今日客至多納惟劉尹來即告吾有語庠者曰王公意如此盍一往見庠竟不往神宗諭之曰奈何不與大臣協心濟治乎庠曰臣子於君父各伸其志臣知事陛下不敢附安石

政如始至

山堂肆考云明皇東巡源乾曜以京兆尹留守京師治尚寬簡居三年政如始至

不負所知

宋史云晏殊留守西京奏張洄知司錄殊晚節驟用刑幕府無敢言洄平居與殊飲酒賦

詩傾倒無不至當事有官責持議甚堅亦自以不負所知樞密高若訥參知政事吳育薦其文學

或

用故相

續通典云唐故事居守之位或用舊德或用故相未嘗以武將而當保釐之重也長慶二年以

前義武軍節度使陳楚爲東都留守違制尋亦改焉

三世尹京

翰苑新書載四朝國史云梁子

美權開封府尹入謝言曾祖顥祖適皆常領府事今臣復攝尹懼弗克負荷徽宗曰卿三世京尹爲國宣勞誠

搢紳之盛事也

四為京兆

唐書云肅代時魏少游四為京兆雖無赫赫名然善任人緣飾規檢

有足稱者

五為京兆再為河南

又云柳公綽子仲郢父子更九鎮五為京兆尹再為

河南尹

父子兩京

宋史云溫詔歷工兵戶三部侍郎轉開封尹子琦使京西攝尹洛父子兩

京相望人以為榮

兄弟具瞻

唐書云李叔明本鮮于氏世為右族兄仲通天寶末為京兆尹

叔明當東都平招徠遺民號能吏遷京兆尹長安語曰前尹赫赫具瞻允若後尹熙熙具瞻允斯

京

師豪右大震

又云神策軍自興元後日驕恣軍吏李昱貸富人錢八百萬三歲不肯歸許孟容為

京兆尹遣吏捕詰與之期使償曰不如期且死一軍盡驚訴於朝憲宗詔以昱付軍治之再遣使皆不聽奏曰不奉詔臣當誅然臣職司輦轂當為陛下抑豪強錢未盡輸昱不可得帝嘉其守正許之京師豪右大震

京師無事有希文

山堂肆考曰范文正公尹開封都民謠曰朝廷無憂有范公京師無事有

希文

請禁賓客相過

宋史云景德初陳省華尹開封以府事繁劇請禁賓客相過詔從之

賓僚不拘時見

山堂肆考云宋呂公著知開封率五鼓視事賓僚至者不拘時見故府無

廢事下

心一主於惠愛

獻徵錄云明應天府尹吳雄臨事能斷摧奸擊惡推見至

情易達

隱而心一主於惠愛嘗讀趙廣漢傳歎曰攝會吏民以

賊無辜是豈爲民父母之道宜其見刑也至龔黃傳則

曰爲吏者

都輦重職

白帖山濤啟曰河南尹京兆重職前代皆用名人聖代已來有

當如此矣

李膺杜預王恂舊不

電埽庭訟響答詩筒

宋史云錢

疑復今減此者也

拜龍圖閣直學士復知開封府臨事益精蘇軾乘其據

案時遺之詩總操筆立就以報軾曰電埽庭訟響答詩

簡近所
未見也

表則四方

監臨三輔

鎮撫畿甸

肅清

京師 當堯舜之朝

繼張趙之位

偶唐虞之代

尹河洛之都

統千里之封畿

領萬戶之版籍

況

屬休明之朝

宜尊表則之位

朝許政能任先廣漢

時推明察選在不疑

漢推能政選在袁安

晉擇

公才任先孔坦

京尹五

原詩梁元帝去丹陽尹尹荊州詩曰驂駕乘駟馬謁帝

朝承明分符泣閩越終然慙勵精 又曰副君垂獎眄

仁慈穆且敦終朝陪北閣清夜侍西園降責深知已寧

思食榘恩未嘗辭畫室誰忍去輶轅 蕭琛和元帝詩

曰妙善有兼姿羣材成大厦奕奕工詞賦翩翩富文雅

麗藻若龍雕洪才類河瀉案牘時多暇優游閱典墳儒

墨自玄解文史更區分平臺禮申穆兔苑接卿雲軒蓋

蔭馳道珠履忽成羣德音高下被英聲遠近聞 徐勉

和元帝詩曰敬愛良是賢謙恭實所務尊賢遺道德重

學嚴師傳六藝誠為敏三雍稱有裕覆被唯仁義吐納
必珪璋壯思如泉湧逸藻似雲翔夙有匡時調早懷經
世方留心在庶績勵精思治綱

原箴漢揚雄

一作崔駰

河南尹箴曰芒芒天區畫冀為京商

邑翼翼四方之經

一作是營

爰作卿士以尹王州風化攸興

萬國承流

增制唐蘇頲授宋璟兼京兆尹制曰敕惟雍設都實難
其理京尹鎮俗不易其才具官宋璟天假直清時歸方

正端莊以立姦慝遷於望風果斷而行網維成於不日
衣冠所重人吏攸欽俾承彈糾之餘乃綜浩穰之劇可
兼京兆尹餘如故 常袞授孟暉京兆尹制曰門下天

府惟雍神臯作京當四海之會同在三輔而尤劇漢以
郡國二千石高第八守而轂下稱之今因其制而選用
亦陟明於辨理也具官孟暉端一簡亮外寬內肅在割
能斷見事風生歷踐通列侃然處正京師化源庶尹之
則承平無事統正猶難或多毀傷失名數月輒罷況寇

難未靖邊備尚勞率西之師取給畿內戎衣軍餉困竭
閭閻姦人豪奪吏氣傷沮屢有申救未懲其弊思得至
公明斷之才曠然大變其俗是用命爾典司劇任肅清
權右扶養元元無俾趙張專美有漢可守京兆尹散官
勲封加故 又授京兆府尹魏少游加御史大夫制曰
門下肅清風俗糾正朝廷必求謇諤之才式總紀綱之
任具僚魏少游直方其行簡亮在躬有玉壺之清澄兼
龍泉之斷割通變可以成世務精密可以舉人倫中外

累更風聲益振法無所避姦不能欺貳職司徒實平邦
教三尹京邑備洽人謠不有兼官豈云重寄宜授趙堯
之印俾雄張敞之職可檢校御史大夫餘如故 白居
易授韋正貫京兆尹制曰敕權知京兆尹韋正貫詩不
云乎京邑翼翼四方是則故趙張邊延馳名兩漢而不
疑兼以儒學取重當時斯任也吾豈易哉爾敕用政術
列爲殊科再升文字之途一舉雲霄之路拔於郡府以
尹京師有抑強扶弱之心得變通適時之用煦若春日

肅如秋霜，干將淬而投刃，皆虛騏驥馭而追風，自遠重以郊天盛禮，發號鴻恩，訖事而物力安舒，設禁而寇攘帖息，是用嘉乃成效，寵之正名，爾其奉上思盡，臨事思權，輅健吏而惠窮人，簡簿書而提綱目，處劇勿紊，居閑勿遺，俾推剝絕迹於九衢，杞鼓息鳴於五夜，克揚顯績，用繼前修。又授黎幹京兆少尹，制曰：敕朝散大夫前守諫議大夫兼侍御史內供奉，賜紫金魚袋黎幹，經遠良圖，弘通敏識，典墳聚學，風雅成文，操守甚貞，行歸於

正早敦近掖見重中朝俊德用彰嘉言罔伏頃有歸閑
之志益存難進之誠亞彼尹京眷求公器宜膺獎命俾
展多方可京兆少尹散官勲封如故 元稹授楊巨源

郭同元河中興元少尹制曰敕具官楊巨源詩律鏗金
詞鋒切玉相如有凌雲之勢陶潛多把菊之情朝請郎
前守華陰縣令郭同元文戰得名吏途稱最劉超推出
納之善王渙著抑挫之名皆用已長各居官守因其滿
秩議以序遷稽其器局之良宜參尹正之亞巨源可守

河中少尹同元可權知興元少尹 宋歐陽修除劉沆

特授行工部尚書充觀文殿大學士知應天府制曰門

下罄一節以事君中外之任無間處大臣而有體進退

之禮必優屢形懇避嘉敦慤之弗移宜峻寵章示眷懷

之特異具官劉沆質性剛鯁姿材敏明入必侍於清閑

出屢更於事任翼翼是則有聲京邑之雄巖巖具瞻遂

參廊廟之用乃疇嘉績爰正台司執毀譽不回之心篤

於自信勤夙夜匪懈之志久而益勞顧方厚於倚毘乃

遽思於退讓察其所守實亦重違惟茲祕殿之嚴眷乃
留都之重既增美秩仍益真封於戲秉國之鈞居則坐
而論道爲時舊老往則殿於大邦是惟出處之榮勉服
便蕃之命

原表梁劉孝儀晉安王讓丹陽尹表曰臣聞盈尺徑寸
易取琢磨南箕北斗難爲簸挹何則良工質美在器成
珍假名責實涉求必殆 邵陵王讓丹陽尹初表曰臣
進非民譽退異宗英尸居崇號已紊彝典況京兆五守

西漢難追河南二尹東京罕繼審已循涯自知莫可街
談巷議尤見不勝 庾肩吾爲南康王讓丹陽尹表曰
臣聞劒鏐七星非有司天之用簾圖五岳寧識崇朝之
雲是知策彼沉龍不能令其逐日乘斯流馬安可使其
奔電方今振鷺盈庭白駒空谷惟帝念功惟明克允君
子之國幸聞其讓石門之水獲免於貪

原序梁元帝丹陽尹傳序曰傳曰大夫受郡漢書曰尹
者正也及其用人實難授受廣漢和顏接下子高自輔

經術孫寶行嚴霜之誅袁安留冬日之愛自二京板蕩
五馬南渡固乃上燭天文下應地理爾其地勢可得而
言東以赤山爲成臯南以長淮爲伊洛北以鍾山爲華
臯西以大江爲黃河既變淮海爲神州亦即丹陽爲京
尹雖得人之盛頗媿前賢而眇遇之深多用宰輔皇上
受圖負宸寶歷惟新制禮以告成功作樂以彰治定豈
直四三皇六五帝孕夏陶周而已哉若夫位以德敘德
以位成每念忝蒞京河茲焉四載以人安石之門思勤

王之政坐真長之室想清談之風求瘼餘晨頗多暇景
今綴采英賢爲丹陽尹傳

京府判官

增涖事恪謹

宋史云程羽領開封府判官羽性淳厚涖事恪謹太宗尹京頗以長者待之及即位

命知開

始置通判

又云太宗爲府尹宋琪爲推官初甚如禮遇琪與宰相趙普樞密使

封府

李崇矩善出入其門遂惡之乃白太祖出之外太平興

國間復以藩邸舊僚留判三司勾院俄通判開封府事

京府置通判

勸辭留務

又云秦王廷美尹開封府呂端以考功員外郎充開封府

自宋琪始也

判官太宗征河東廷美將有居留之命端白廷美曰主上櫛風沐雨以申弔伐王地處親賢當表率扈從今主

留務非所宜也廷
美由是懇請從行

下堂對使

又云許王元禧尹開封
呂端復爲判官王薨有

發其陰事者坐裨贊無狀遣御史武元穎內侍王繼恩
就鞠於府端方決事徐起候之二使曰有詔推君端神
色自若顧從者曰取帽來二使曰何遽至此端曰天子
有制問即罪人矣安可在堂上對制使耶即下堂隨問
而
並賜金紫
人云太平興國間許王尹京命轉運使
張去華爲開封府判官殿中侍御史陳

戴爲推官並賜金紫謂曰卿等皆朝之端
士特加選用其善佐吾子各賜錢百萬

請行辟屬

又云謝絳數論事權開封府判官上言蝗亘田野以臣
愚所聞似吏不甚稱而召其變願詔公卿以下舉任州
府者使得自辟屬縣令
長務求術略不限資考
妙選僚佐
又云真宗尹京妙
選僚佐驛召楊徽

之爲諫議大夫與畢士

執奏宮禁

又云梅摯從開封
府判官遷推官僧

安並充開封府判官

常堂以簡札達宮人輦官鄭玉醉呼毆
徽巡卒皆釋不問執執奏皆杖配之

草定書疏

又

真宗尹京楊徽之爲首僚郎中
書疏皆徽之從孫億所草定也

升殿並命

又云盧瑛爲太常博士

咸平二年選爲開封府判官與推官李防並命真宗
謂宰相曰人之有材難得悉知但歷試而後可見占謝
日特升殿諭以天府事
繁慎選之意仍賜緡錢

不奉宮中教旨

又云龐籍爲開封府判官

尚美人遣內侍稱教旨免工人市租籍言祖宗以來未
有美人稱教旨下府者當杖內侍詔自今宮中傳命毋

得輒

平反白衣會獄

又云榮諲爲開封府判官太康
民事浮屠法相聚祈禳號白衣

受

會縣捕數十人送府尹賈黯疑有妖請誅其首而流其
餘諲持不從各具議上之中書是諲議但流其首而杖

其

稱爲廉判

獻徵錄云明呂言大學士原之孫也以
廕授太平府通判改應天歷任幾年

妻子弗以隨食無重味數日才一舉肉弗飽也中丞大僚呼斥羣吏見君人肅然起曰廉判來矣故僚佐多忌之而言又好議天下事若闊遠無近功人咸曰京兆君迂言亦自安其迂弗較也

湛浮自得

又云嘉靖時祝允明以興寧令遷應天府通判亡何乞歸允明簡易高曠不樂拘檢性善書晚益奇縱喜獎拔後進終身不言人過其居家未嘗問有無得錢輒召所善客與噉飲盡乃已少有意用世既沒落不試一發於文所著書合詩文集數百卷陸深曰明興百年士猶膠守章句未覩其恢然者也憲孝之際始彬彬矣祝先生由諸生起覃精發藻橫逸踔厲超追古昔盛哉若其湛浮自得龍變不羈大觀逍遙廓然離俗者矣

京府推官

增察其冤誣

宋史云五代漢初魏王承訓爲開封府尹盧億以水部郎中充推官時侍衛諸軍驕

恣軍士成美以驢負鹽入都門閫者不敢執反擒平民
孟系送侍衛司系自誣服論死億察其寃言於漢祖而
釋之

反坐告者

又曰神宗時蔡薊子延慶以集賢校理
歷開封府推官有衛士告黃衣老卒簡

火入直延慶察卒辭色疑焉詢之
果誣即反坐告者事聞帝甚重之

文擢第一

又曰畢仲游宰

相士安曾孫也召試學士院同策問者九人乃黃庭堅
是補之輩蘇軾異其文擢為第一加集賢校理開封府

推官

不伐科名

又曰真宗尹京楊礪為推官真宗嘗問
礪以何年及第礪唯唯不對後知其唱

名第一自悔失問謂礪
不以科名自伐甚重之

伉直尚氣

又曰王益柔曙子
也伉直尚氣以廢

至集賢校理與蘇舜欽秦邸會醉作傲歌時人欲遂傾
正黨至列狀言益柔罪當誅韓琦為解於帝久之為開

封府
推官

請察獄寃

又云李防擢開封府推官請與判官
間三五日即府司軍巡院察寃獄

特加歎賞

又云喬維岳為淮南轉運副使嘗按部至泗州慮囚法掾誤斷囚至死維岳詰之樣

俯伏且泣曰有母年八十餘今獲罪則母不能活矣維岳憫之因謂曰他日朝制按事第云轉運使令處茲罪卒如其言獲免維岳坐贖金百二十斤罷使職權知楚州真宗以壽王尹京精擇府僚召還為開封府推官或言其在淮南決獄不平左右有知其事者辯之太宗特加歎賞京府事維岳平處詳敏有王陟為司錄真宗亦稱其名幹及踐阼即命維岳與畢士安權知開封府

法不止答

又云呂公孺為開封府推官民

鬻薪為盜所奪逐之遭傷時色極為尹命答盜公孺曰盜而傷主法不止答孰不從極善其守

事宜

窮治

又云韓絳為開封府推官有男子冷青妄稱其母頃在掖庭得幸有娠而出生已府以為狂奏流汝

州絳言留之在外恐惑眾追責窮治蓋其母嘗執役宮禁嫁民冷緒生一女乃生青遂論棄市

奏事

賜緋

又云趙槩少篤學器識宏遠爲一時名輩稱許中進士爲集賢校理授開封府推官奏事殿中仁宗

面賜銀緋

未午而畢

又云楊繪爲開封府推官遇事迎刃而解諸吏惟日不足繪未午率沛然

決斷精敏聲聞益遠

又云王安石不悅蘇軾令權開封府推官將困之以事軾決斷

精敏聲聞益遠

創立推判分治之法

又云元祐中王巖叟爲樞密都承旨權知開封

府舊以推判官二人分左右廳共治一事多爲異同巖叟創立逐官分治之法自是著爲令

京府治中

增求爲尚寶

獻徵錄云鄭端簡公曉在選曹嚴相嵩子世蕃以治中求爲尚寶丞曉據故事謝之

分宜始怒

治中惠政

又曰龐嵩字振卿居南海弼唐鄉學者稱爲弼唐先生嘉靖間由鄉舉授

應天府通判進治中先後凡八年大京兆缺屢攝府事
多惠政時江寧葛仙永豐二鄉數被水患居民餘七戶
而已歲課不能辦嵩爲築堤闢萊得田三千六百畝立
惠民莊四募召貧民佃之流移盡還百姓至今賴之嵩
早遊王陽明湛若水之門奉其緒論爲諸生規建會於
新泉書院日與講學府在六年京察例而復與觀察嵩
疏請止著爲令嵩
仙鄉立祠祠之

京府司錄事

諸曹參軍附

增特遣宣諭

唐書曰溫造字簡與大雅五世孫也安表
瑰傑盛氣少所降屈隱王屋山張建封烏

重脣薦之長慶初以京兆司錄爲太原幽鎮宣諭使召
見辭曰臣府縣吏也不宜行恐四方易朝廷穆宗曰朕
東宮時聞劉總比年上書請觀使問行期乃不報卿爲
吾行諭意毋多讓因賜緋衣至范陽總橐韃郊迎造爲

開示禍福總懼瞿然若兵

聽自擇官

又曰元和中白
居易召入翰林

在頸由是籍所部入朝

為學士遷左拾遺歲滿當遷帝以其資淺且家素貧聽

自擇官居易請如姜公輔以學士兼京兆戶曹參軍以

便養

今黃叔度

又云劉迅字掄卿歷京兆功曹參軍
嘗寢疾房瑄聞之憂不寐曰掄卿有

詔可

不諱天理欺矣陳郡殷寅名知人見迅歎曰今

受詔

黃叔度也劉晏每聞其論曰皇王之道盡矣

鞠獄

宋史云太宗朝趙安仁為開封府司錄參軍事拜
秘書丞受詔鞠開封獄得其非辜者即日授推官

塔錢餽軍

又云仁宗朝陳希亮為開封府司錄福勝
塔火官欲更造度用錢三萬希亮言陝西

用兵願以

以謹幹聞

又云王陟以著作佐郎留知開
封府司錄參軍前司錄閻仲卿

此餽軍

屢升殿奏事真宗尹京時頗不悅及陟代之以謹幹聞
尤被待遇即位召賜緋魚袋改著作郎開封府推官

具徭役利害上之

又云韓琦知定州安喜縣為政彊力韓琦稱其才遷開封府司錄嘉

祐寬恤諸道分遣使者琦曰京師諸夏本顧獨不蒙忠
乎乃具徭役利害上之詔司馬光陳洙詳定條式遂草
大姓漁并之弊

與府尹同對殿中

又曰韓肖胄琦曾孫也祖忠彥再世為相以廢補承

務郎歷開封司錄與府尹同對殿中徽宗問其家世賜同上舍出身

以登第更仕宦者

為之

又云宋王鏊權御史中丞建言三司開封府諸曹參軍及赤縣丞尉率用貴游子弟驕慢不習事請

易以孤寒登第更仕宦書考無過者為之可其奏

有宰相器

又云龐籍及進士第為黃州司

理參軍知州夏竦以為有宰相器調開封府兵曹參軍知府薛奎為改法曹

以公輔期

歐陽

文忠歸田錄云薛簡肅奎知開封府時明參政編為府曹官薛待之甚厚直以公輔期之其後守秦僻以自隨

有問於公何以知其必貴者曰其爲人也端肅其言簡而理盡凡人簡重則尊嚴此貴臣相也其後鎬果至參知政事

知其能

宋史云趙鼎登崇寧五年進士第累官洛陽令宰相吳敏知其能擢爲開封士

曹參

臨事勁正不受請託

又云鄭望之登崇寧五年進士第歷開封府儀工戶

曹以治辦稱臨事勁正不受請託官寺有強占民田者奏歸之蔡京欲奪人妾使人諭意望之拒不從

西社同門友元符上書人

又云家愿父勤國慶歷間與從兄安國定國同從劉巨遊

與蘇軾兄弟爲同門友愿紹聖間登進士第元符三年應詔上書極論時政凡萬言崇寧元年詔籍元祐元符上書人姓名愿以選人籍入邪下等禁錮不調靖康初左丞馮澂薦除開封府工曹淳祐間曾孫大酉侍講筵因從容及之上改容嘉歎宣取所上書及親書西社同門友元符上書人十大字賜之

明不設

廂官

增分置八廂

宋史云韓維在太常與王安石持議不合便為開封府始分置八廂決輕刑殺下肅

清

不行庭參

翰苑新書云邵伯溫撰蔡確得確字持正韓維知開封府奏為管勾左廂公事

後劉庠知開封府責確庭參確謂藩鎮辟除掾屬乃有此令輦轂下比肩事主雖故事不可用庠不能屈神宗聞而嘉之後臺官缺執政奏乞除官上曰可用不肯階墀見劉庠者遂除監察御史

明不設

市令

原內史屬官

長安市長

北堂書鈔云漢書百官公卿表云內史屬官有長安市廚

兩令 又云長安四

市四長丞皆屬焉

祭遵奉法

元儒知人

東觀漢記云祭

遵爲軍市令舍中兒犯法殺之上怒命收遵主簿陳副
諫曰遵奉法不避是教令所行也上乃貫之以爲刺奸
將軍王隱晉書云石苞販鐵鄴市市長沛國趙元儒
名知人見苞異之歎苞當至公輔由是知名


御定淵鑑類函卷一百十二

謹案卷一百十二第十六頁後七行唐古舊作唐
括十七頁後五行呼嚕古爾舊作忽刺忽爾
今並改後倣此

謹案第四頁前四行左右軍巡使判官各二人刊
本使下複衍一使字據宋史刪

第十九頁後七行帝視奏已斬男子刊本脫奏字
據唐書增

第三十二頁前五行優游閱典墳刊本游訛優據
唐類函改



總校官庶吉士

臣

張能照

校對官檢討

臣

王福清

謄錄監生

臣

孔廣枚